

Michelin Suliagijaujuk Nunalet katimajet tigujausimajut

âkKusâgalagekKâtlutik Nunalinnut ammalu KimiggugalagekKâtlutik sutaijattunik uKautausimajunik Kanuttogutigijausimajuk satjugiami Labradorimi nunalimmiunit, Aurora-kut Kuviasuvut Kaujitsigiamik ilaliugutigijangit Michelin Suliagijaujumik Nunalet katimajingit annigijausimalikKut.

"Kuviasuvut nakutsasiammagitluta Inunginnik ottugasimajunit," uKavuk Bruce Dumville, AngajukKâp ammalu Aulatsijillagik Aurora-kkunut. Tâkkuningat adjikangitunit ammalu Kaujimallagittunit katimattijunit, piujualuk katimajet katitsutausimavut. KanuttogutiKavugut katiKatiKagiamik tâkkuninga katimattijunut ammalu pigiasilluta uKâlautigigialittinik pitjutaullagijunit Michelin-imi Suliagijaujumit.

katimajet pivitsaKattisiniattut kiggatuttijunik satjugiami Labradorimi uKautigigumajanginnik suliagijaujumik pannaigutinganillu ammalu avatik suliagijaunninganut. ikKanattumagiuvuk ilagijangita suliatsagijautluni Aurora-kkunut, tugâgutiKammata Kinugautigijaujumit Michelinuip Suliagigumajanginnik pivalliatuakKulugu kamatsiaKullugit ammalu ikajutsisiaKullugit attuipâlugatik nunaujumi, omajunginnik ammalu Kanitanejunik nunagijaujunik.



Katimajet itsivautaKalâttut Aurora-kut nutângujumik AngajukKâp Tullingata, Labradorimi suliagijanginnik, Chesley Andersen, takutsauvuk uKâlajuk Aurora-kuni October a 21, 2008-mi Kaujitsiniammata Makkovimmi.

Nunalimmiunut akKusâgalaniammata piusigisimajangit sakKititsisimavut âttanik inunnik kiggatuttiuniattunik adjigengitunik suliatsaKatillugit, ilautitautillugit Inosuttuit, inutuKait, ammalu inuit akilittutaugatik suliaKaKattajunik, ammalu Kaujimallagitlutik pinasuagiamik, ogannianimmut, kenaujaliugutilet, Kanuittailinimmut suliaKattet, ilinniatitsijet ammalu nunalimmi pivalliatitsijutlutik.

Michelin Suliagijaujunik Nunalet katimajingit ukuanguvut:

- Mr. Chesley Andersen, AngajukKâp Tullinga Labradorimi suliagijaujunik, Aurora Energy (katimajet itsivautanga)
- Mr. Josh Pamak, Nain
- Mr. David Igloliorte, Hopedale
- Mr. Randy Edmunds, Makkovik
- Mr. Glen Sheppard, Postville
- Mrs. Charlotte Wolfrey, Rigolet
- Mr. Ernie McLean, North West River
- Mr. Lloyd Mugford, Happy Valley - Goose Bay
- Mr. Daniel Ashini, Sheshatshiu

Ilagiallugut, tamammik KipukKak ammalu Makkovik Inuit Nunalet kavamangit pigumappata tilitsigajammijut kiggatuttiugajattumik isumagillugu nunagijamminut.

katimajet nigijugijauvut katimaKattagiamik saksitullutik attaitillutillonet jârими ammalu tugâgutigijangit ukua:

- KaujimatitsiKattalutik Kaujigatsanik Kinugautijumik Michelin Suliagijaujumik nunalimmiunut
- TusagiattuKattalutik ammalu KimigguKattalutik Nunalet uKausigisimajanginnik
- NalunaittsiKattalutik pivitsagijaugajattunik piunitsautigasullugut suliagijaujumik nâmmasiattigasuakKulugu nunalimmiunik imâk pitillutik uKâlautiKagiattuKattalutik nunalimmiunik pitjutigijaujunik ammalu isumâlotigijaujunik
- Isumagijanginnik KaujitsiKattalutik kampaniujumik suliatsagijaujop piusigijanginnik uKautjigiatsiaKattalutik, sollu imaKautiujunik aulatauningit, suliatsaup piusitsanganik, avatik ammalu sanajaunningit Kaujisattaunuk, ammalu nunalet ikajotitsanginnik
- Isumagijanginnik uKaKattalutik Kaujisannikut piniannigijaujunik ammalu Kaujigatsagijaujunik pitatsanginnik

Katimattet nigijugijauvut katimatitsigiugiamik sivullipâmik Novombera 2008-mi.

Kaujitsinik katimatitsiniammata Kanuttogutitsijut Satjugiami

Pigiasitlutik Octobera 20th tikitlugu 30th, Aurora-kut katimatitsigalauttut Kaujitsigalatlutik taijaujumi 'Ujagannianik ammalu Sivunitsavut', pivitsaKattisitlutik nunalimmiunik satjugiami Labradorimi pivitsaKattisitlutik ilivalliagiagiamut ujagannianet piusigijanginnik ammalu Kinugautiujumik Michelin-imi suliajijaujumi

Aurora-kut nunalet Kaujisattigijangit katiKatiKalauKut angijutliujunik aulatsijujunik Kaujitsigiamik nunalimmiunik Rigolet-imi, Makkovik, KipukKak, Hopedale, Happy Valley-Goose Bay ammalu North West River (Kaujitsinialauttut Nainimi nukKatitaugiaKalauttuk silak apviasimalaummat. Aurora-kkut katimatitsilâttut Kaujitsilâttulu nutâmik ullusanganik âkKisuisimalippata).



Nunalimmiut Hopedale-imi takunnâlauttut piusitsanganik aggalugatit ujagannialutik piusitsanganik Aurora-kkut Kaujitsiniammata Octobera 23, 2008-imi.

Kaujittisiutet sakKititsilauttut Kaujigatsanik piusigijaujuni ujagannianikkut ammalu siKallivet piusigiKattajanginnik ammalu uKatsiatlutik Kanuk Aurora-kkut KinugautiKam-mangâmmik taimâtsainak atugumammata pivalliatitsigiamik kamatsianikkut, taimâtsiak kamatsialutillu avatik isumagillugu. Taimâtsainak, nunalimmiut pivitsaKalauttut apitsugiamik pannaigutigijanginnik pitjutigillugu ilingajumut Michelinimi Suliajijauniattumik

KanuttogutiKatsialaukKuk, 50 tikitlugu 70 Inuit ilauKatauKattalauttut katimatitsiniammata ammalu sunatuinnanik apitsotikAtlutik katimatitsigiattulauttunut pitjutiKatlutik suliansanut ammlau kenaujaliugutigijaugajattut pivitsagijaujut, tikitlugu avatik kamagiaKattitaunik.

"Tâkkua Kaujisannet sakKititsilaukKuk uvattinut angijumik pivitsamik katimaKatiKagiamik nunalimmiunik imminik takusongutluta nanekKujuumangâtta tugâgutiKakKuluta



Aurora-kut Kaujitsilaummijut nukatlinut ammalu angijutlinut ilinniavinnut ilonnâgut Tâggâni Satjugiami, ilautitautluni KipukKak.

piusiginiattavuttinik ammalu sivunittini piggautigigasuanit tangit katimattiginiattavuttinik," uKavuk Chesley Andersen, Aurora-kut AngajukKângata Tullinga, Labradorimi Suliajijajuni. "Kuviasutsiamagivugut piujualummik sakKituKalaummat. SakKititsimat uvattinik Kâjotsajait ujagannianik ammalu Michelin Suliansanga Kanuttogutigijaujuk Taggâni Satjugiami Nunalimmiunut."

Ilgiallugut kikkutuinanut katimatitsiniagatta, katimattivut nukatlinut angijutlinut ilinniavimmejuni uKâlagiattulauttut atunit nunalimmiunut.

2009-mi, Aurora-kut pannaigutiKavut utigiamut satjugiamut Labradorimut Kaujitsigiattugiallutik nunalimmiunut pitjutigillugu imaKautigijauKattajut aulataunitsanginnut ammlau suliansanut ilinniagatsanillu, pitjutigijaujut nuititaulauttut nunaKajunut ammalu nunalet kavamakkunginnut ikKanattumagiummat Kinugautigijautluni Michelin-ikut Suliansagijaugumajumik.




Inuit Kanuinnak jariKajut ilauKataugiattulauttut Aurora-kkut Kaujitsigiattuniammata, InutuKanit, inosuttunut sollu Sybella Andersen (Kângani, ilauKatautluni Aurora-kkut Aulatsijinga, Nunalet Kaujimatitsijinga, Waylon Williams).

Aurora-kut kajusiutiKaniakKut 'piujogasuallutik iniKallutik' tugâgutiKallutik Labradorimi

Taimanganit Kaujisagiasimmata Labradorimi, Aurora-kut piggagasuasimavut 'piujollutik iniKagiamut', ilauKataunginnatlutik nunalet pinianniKaniammata ammalu suliaKaKatiKatlutik nunalimmiunik tukisigiamut piunitsait pivitsaginiattavuttinik tunitsigiamut ammalu suliaKaKatigetsigiamut.

Sivungani, ikajutsisimavugut nunalet piKattajanginnik tunitsiKattatluta nunalet pinguagiattuKattajunik ammalu sunatuinnanik suliaGijaujunik ikajuKattatluta satjugiami Labradorimi. Omani jârimi, kajusiutiKasimavugut 'piujogasuatluta iniKagiamik' tugâgutiKatluta aittuiKattatluta kenaujanik Labradorimi Tujummiuvinganut Happy Valley-Goose Bay-mi ammalu ikajutluta KipukKami jâringata ilitagijaulaummata angggauninganut ammalu nunalet ullusiuniammata Makkovimmi ammalu North West Riverimi.

Ikajugiamut maligatsagijavut ikajuKattajuk uvattinik tunitsijavut ikajutsiasiakuKattajavut nunalimmiunut ammlau ikajutsiKullugit suliaGijaugumajunik uvagut pikKogutiginiattavuttinik. Ilinnianik ammalu ilinniatitsinik (piluattumik avatiliginimmut), kenaujaliuKattangitunut ikajuKattajunut, nunalet ammalu piusituKait tugâgutiKajut, inosuttunut ilinganiKajunut, ammalu



Aurora-kut piggogutiKavut ikajuKattamata nunalimmiunut piniannigiKattajanginnik sollu KipukKami jâringata angggautigijausimajumi ilingajumut 2008.

pinguagiattuKattajunut sivulliutinginnaKattajavut. Suliatsait upvalu sakKititsiKattajut ikajotet Taggâni Satjugiami nunalimmiunut Labradorimi ikKagiluattavut.

Kaujigiallagumagutsi nunalinnut aittuisimajavuttinik, takugajakkusi Aurora-kkut Kagitaujangita Kaujigatsanginnik: www.aurora-energy.ca



Nunalet ullusiunningit, sollu taimâtsainak North West River-imi, piujualovut pivitsagitlugit Aurorakkunut ikajutsisiagutigillugit aittuiKattanigijangit.

Atelihai katimattet!

Aurora-kut ilagiatsivut nutâmik sivukkatimmik ammalu nunalimmiunik Kaujimallagittumik katimattinnginnut:

Bruce Dumville

AngajukKâk ammalu Aulatsijik;
St. John's



Bruce Kaujimallagillittuk unगतâni twenty-five-inik jârînik nunatsualimâmi uяagannianikkut, ilautillugit Kanuk aulatsigajammangâmmik kenaujaliugutigijauuagajattunik kamagiaKattitaunikkut, suliatSanik aulatsigiamut, aulatauningit ammalu Kimiggugiamut nutânik pivitsagijaugajattunik. Tigumiasimajuk AngajukKâlagiutluni ukununga Xstrata's North American copper sanaKattamata ammalu pitagijanginnik atugiallatâKattajut aulatsijunut. AngajukKângutluni Falconbridge New Caledonia ammalu SuliatSanut Aulatsijiutluni Koniambo Suliajijaujumik, Bruce tigumialauttuk angijutliutluni sivukkatiulauttuk suliajijaujuk kenaujaliugutigitlugit tigumiattaunginnaniammat suliatSagijaujuk, pivalliatitsitluni ammalu tigumiatluni suliaKaKatigennikut nunalimmiunut, nunalet ammalu nunatsuami kavamaKutinginnik ammalu asinginnik ikajuKattajunik.

Chesley Andersen

AngajukKâp Tullinga, Labradorimi
SuliatSangijangit; Labrador



Ches tungatâni twenty-nik jârînik Kaujimallagijuk kiggatuttusimagami Labrador Inunginnik, ilisimallagitlunillu kenaujaliugutigijauKattajunik ammalu piviannatunik pivalliatitauninginnut.

Tigumiatainnasimalauttuk satusajjiutluni sivukkatiutluni Nunasiavut kavamanginnut ammalu suliaKattiulaummijut Aulatsijet kaunsalliKutinginnut kiggatutluni Nunasiavut kavamanginnik, kamagiaKattitautluni kenaujaliugutigijauKattajunik, maligatsanik ammalu maligatsasuanik pitjutigijausimajunik. Inolisimajuk Inuit Nunangani Makkovimmi satjugiami Labradorimi, Ches fifteenanik jârîgalannik suliatSaminik suliaKasimajuk Labrador Inuit katutjiKatigenginnut (LIA), ikajutsisiatluni satusaisimajunik Labrador Inuit Nunamut Satusasimajangita AngiKatigegutinganik ammalu kiggatuttiutluni Ujaganniajunik piviannatunik UKautjigijajiutluni.

Lela Evans

Aulatsijik, Avataligijet Suliajijanginnik;
St. John's ammalu Labrador



Lela inolisimajuk ammalu pigutsatautluni Makkovimmi, Labrador. SuliatSagisimajanga avatiliginimmut aulatsijiutluni pigiasilauttuk senanik jârîukasângujunik ilauKatauliaKigami ATCO Frontec-ikunut Avataligijjiutluni. Mânnakut, Lela suliaKaKatiKasimajuk Vale Inco Newfoundland ammalu Labrador-imi (taijaulauttut Voisey's Bay Nickel Company Ltd.) Avataligijet Aulatsijiutluni sanajauniammat kampanikkut uяaganniavinga ammalu siKulliuvinga Labradorimi, ammalu taimanganit aulagiasitainnamanit. SuliatSaminik, Lela kamagiaKattitaulualauttuk pivalliatitsigiamik aulatsijet piusitsanginnik suliatSap piniannisanginnik matulippata pitsiaKullugit attuipâkKunagit avatimmik sanajaunnganik ammalu aulataunnganut. Lela tigumiavuk ilinniasimajamminik Kaujisattilagijjiugiamut (puttunippâmik ilitagijautluni) Memorial Ilinniavitsuanganik Newfalâm.

Aurora-kut Kaujititsiutet Kaujigatsanga:

Happy Valley-Goose Bay

Waylon Williams
P.O. Box 860 Station C
2 Burnwood Drive
Happy Valley-Goose Bay, NL
A0P 1C0
tel: 709.896.6777

Postville

Zena Sheppard
P.O. Box 49
Postville, NL A0P 1N0
tel: 709.479.9872

Makkovik

April Andersen
P.O. Box 125
Makkovik, NL A0P 1J0
tel: 709.923.2204